

鉅野縣志

十五

DS
793
S42C683
1846
v.9



鉅野縣志卷之十五

特調鉅野縣知縣星沙少棠氏黃

手訂

藝文志一

敘曰昔者夫子能言夏商之禮惟因文獻不足乃
至無徵文之所係顧不重歟邑爲學道之邦士大
夫業洙泗工六藝彬彬出於天性所由來矣著作
之盛可勝載乎雖然志爲括地之書非所以夸雕
蟲而侈辭藻也惟其文之關典禮繫輿圖紀名勝
資觀法者則錄之餘則不錄入焉庶幾文章歸
於有用而盛事足垂不朽志藝文舊志

撰著書目

漢

王 粲

書釋問四卷
英雄記十卷

文集八卷

仲 統

樂志論
昌言

張 匡

韓詩章句一卷

晉

王 沉

釋時論

魏

王弼

易註上下經六卷

論語釋疑三卷

老子指例畧二卷

文集五卷

易畧例一卷
道德經註一卷

宋

夏侯嶠

文集十五卷

漢武封禪同註釋

王禹偁

承明集十卷

三黜賦

畧集二十卷
五代史闕文二十卷

建隆遺事一卷

呂祐之

文集三十卷

晁迥

翰林集三十卷
道院集十五卷

法藏碎金錄十卷
耆知儒書

隨因紀述
昭德新編

晁端友

文集十卷
刺集一卷

晁宗慤

邊策七事

晁說之

古易十二卷其書以諸家易及許慎說文等九
十五書正其文字且依漢田何本分上下經並
十翼通為十二篇以矯費直弼之失朱子本
義稱之
論語講義十卷
中庸解一卷
景迂集十二卷
儒言一卷
客語一卷

晁補之

太極傳圖說七卷其自序以為本康節之學又
有易元呈紀譜易規二書又有傳易堂記述漢
以來至宋易學傳授甚詳
春秋左氏傳雜論一卷
續楚辭二十卷
雞肋編七十卷

晁詠之

崇福集三十五卷詠之以明請郎奉祠崇福宮
故以名其集

四六集十五卷

晁冲之

其茨集三卷

晁載之

豐邱集二十卷

晁公武

易詁訓傳十八卷
詩詁訓傳二十卷

書詁訓傳四十六卷
春秋詁訓傳三十卷

中庸大全一卷
文集六十卷

晁公邁

歷代紀年一卷
紀談錄一卷

李昭玘

樂靜堂集三十卷

李邴

玉堂制草十卷

雲龕草堂集三十六卷

鄧御

農歷一百二十卷

明

米

兼忠定議十卷

有臺文稿十卷

田

峨嵋

荆樹山房集

葛煥

禹貢便蒙

畢珣

含輝文稿

李兆隆

七省
周易圖說

五經大意解

陳伯友

盡心編

治亂幾鑑

通鑑刪正

將相諱畧

海鷗居集

覽快

覽感

陳宸銘

崇樸齋二卷

宋承蔭

水雲居草

忠義遺珍等書

姚嘉穀

龍山詩集

國朝

姚艮行

四書參變

省身錄

侯靖宸

桃李山房集

李士瑜

廬居草

老梅書屋文集

傅米石

春秋說
左傳解

練溪詩集

傅爾德

蘇堂集

養荷集

金樵制藝

淮舫隨筆

金樵全集

金樵詩鈔

鄧男隨筆

孟宗美

慎譚齋文稿

姚鉅鼎

思訓編
時文二集

魏朝

敬業齋文稿

鄒麗中

四書講義
周易總論

李敦

時文選本共
卷

魏陞

集慶堂稿

李其彭

詩訣數十卷

張淑淵

桃源文集

姚學甲

制藝二十名家選
公餘課藝

簿書偶寄
石門雜著

解大本

學庸啟鑰

角大高

學庸啟蒙

劉錫朋

詩集數十卷

李恪

童試寶筏

先正法程

李嘉程

十洲山房文集

于秉亮

諫塾文集

北遊詩集

魏起麟

通鑑纂要

集慶堂稿

李樹屏

四書字義彙解

于秉元

四書析疑

于承基

愚亭草詩集

田鈞

家塾課讀
東萊博藝選本

訓義堂規

○○○○歌

獲麟歌

有引舊志

孔叢子曰叔孫氏之車子鉏商樵於野而獲
麟焉衆莫之識以為不祥棄之五父之衢冉
有告夫子曰腐身而肉角豈天之妖乎夫子
往觀焉泣曰麟也麟出而死吾道窮矣乃歌
云

唐虞世兮麟鳳遊今非其時來何求麟兮麟兮我

心憂

見家語

瓠子歌二首

有引舊志

漢武帝

帝既封禪乃發卒數萬人塞瓠子決河還自
臨祭沉白馬玉璽金羣臣從官皆負薪塞決
河時東郡燒薪柴少乃下淇園之行以為健
天子悼其功之不就為作歌詞二章於是卒

塞瓠子築宮其上名曰宣防而導河渠比復
禹舊迹自此梁楚之北復寧無水災矣歸來
子曰先是帝封禪巡祭山川殫財極侈海內
爲之虛耗及爲此歌乃肉然有顧神憂民惻
怛之意云

瓠子決兮將奈何浩浩洋洋兮慮殫爲河殫爲河
兮地不寧功無已時兮吾山平吾山平兮師野溢
魚弗鱗兮拍冬日王道弛兮離常流蛟龍騁兮方
遠遊歸舊川兮神哉沛不封禪兮安知外爲我謂
河伯兮何不仁泛濫不止兮秋帝人齧乘浮兮淮
泗滿久不反兮水維緩

河湯湯兮激潺湲北渡回兮迅流難攀長斐兮湛

美玉河伯許兮薪不屬薪不屬兮衛人罪燒蕭條兮

噫乎何以御水隕林竹兮健而蓄宜防塞兮萬福

來

見史記

高將軍歌

并序

丁若瀛

將軍曹人也慷慨有勇畧往倭寇屢國時曾
上書指陳利害當上意方欲以兵事寄之尋
以病歸與余別數年矣已亥來濟寓鐵嶺寺
與談時事激烈憤惋令人髮欲指惜其用不
究才而以病廢
也輒為此歌

將軍年方五十強雙眸炯炯如電光揚麾色擁飛

霞赤拔劍氣吐高天蒼野闊其氣薄東海出救朝

鮮彌七載將士從征不~~非~~推轂謂有將軍在將
軍一疏叫天闢侃侃微言動至尊部下橫行五百
士爭能角技何桓桓天子臨軒求大將將軍自負
不多讓於時厲士將出關誓不功成不西向豈料
雄心一病銷五百之士氣沮喪歸來數畝足耕耘
栖老南華一片雲羊祜輕裘難蔽膝孔明羽扇不
禁飛偶來蕭寺寓古殿數載分塢今始面相逢乍
喜還乍悲可憐肝膽誰能見憂國憂時意氣同談
天之舌捲雄風執手相看不忍去挑燈忽已星河
曙嗟哉壯志安足酬從來李廣未封侯

弗告崇

邑侯黃少棠夫子德政歌

新并序

郭

浦 邑廩

吾鉅地多鹹土戶鮮蓋藏歲一不登民生立困
自吾師下車以來政清訟簡化洽恩周羣民習
教之么魔根株盡絕佳盜害良之種類懲創從
嚴和氣所凝休徵斯應調四時之玉燭甘露呈
祥鼓一曲於瑤琴薰風遍野且也教稼有經齊
民有術不惜三令五申以故張堪之麥周叔之
禾竟至一年再見洵 熙朝之真瑞實邑境所
希聞浦幸災春風親永化雨敢呈鄂曲用當口
碑

武城舊壤千百載何幸重逢文學宰一割砉然奏
牛刀絃歌遺風今未改良吏由來屬醇儒文章經
濟色色殊花落訟庭琴橫案鏡懸虛堂冰在壺勸
課農桑祈豐饒阡陌循循馬不驕有蝗也體撫字

意但食草根不食苗良苗復新正及時化雨均霑
秀雙歧他年待譜甘棠頌此日先吟芄黍詩君不
見三異爭傳魯仲康王允十奇堪揄揚萬年樂繫
羅公馬卜式善牧緱氏羊一一披讀循良傳應與
古人相頡頏

○○○○賦

北征賦

舊志

袁宏

聞所聞於相傳云獲麟於此野誕靈物以瑞德奚
授體於虞者悲足父之慟泣似實勵而非假豈一
物之足傷實致傷於天下感不絕於余心溯流風
而獨寫見世說

滄臺滅明斬龍毀壁賦

通志
新增

唐

白行簡

壁之為寶也至珍龍之為物也至神藹彼堅真由
是見希於代神其變化胡可不畏於人苟以力奪
我實則必害及爾身原未視禍而來口口以濟懷

白壁爲利涉佩青蛇而日待光連曉曰若明鏡之
爲懸影落深潭狀白虹之初霧孤棹纔口口渡口
二龍歟見於波際將至寶因此可求謂匹夫於焉
口制徒觀其迅雷鉦礮狂電翕輒轉晴輝而陽景
滅曜噴風口而晴空變色拖尾乃無所遁逃矯自
則方將薦食朱萍焉能施其術飲飛莫得用其力
滅明乃挺利劍整扁舟驅大吳比陽侯壯志奮而
髮植冠眊瞋目張而裂血流白刃下耀於淵室紫
氣上衝於斗牛左絕其脰右春其喉擢錦纈之鱗
觸素波而乍聚乍散灑元黃之血隨奔流而或沉

或浮旣風恬而雨絕俄霧朗而煙收龍實最靈孰
可以威而讐璧惟重寶口得不義而求旣而再波
瀾齊江人璧非人願保全而莫可口非劍思耀武
而誠難然後韞神邱卽長路持拱璧而歎息眇中
流而廻顧豈不以懷寶者爲物所求恃力者爲人
所惡且龍實恃力人惟懷璧爾實我欺我非爾惜
雖在時之攸重諒於人而何益聞老氏之誠莫守
乎滿堂考聖人之情不貴乎盈尺遂投之河而神
罔敢受毀於岸而人莫敢有紛然電散謂齊后之
碎連環騶爾星分同亞宋之撞玉斗則知動不可

金三鼎元
卷一五
三
妄求不可苟始則將害終乃斷貽伊咎胡不
伏水府而藏珠於頷照鍾山而御耀於口故貪而
斃也誠惟有悔之凶毀以棄之安能無脛而走嗟
乎仁必有勇信千古而不朽

求志賦

舊志

宋晁補之

幼余不自知蠢兮願求人而與之遊高平邑於大
野兮魯東鄙而北鄒固余心其惻歎兮求前聖又
不遠豈無鄰莫可與謀兮治邴氏而俗泮類清濟
以去垢兮芝九莖而爲華霄倚檻而悲咤兮疇獨
憂余之無家滋蘭以旨蓄兮菊以爲糗修忠信以

抑操兮夫安知余之後圖前聖吾永賴兮攬百子
與並興時翱翔於道與兮歷年歲以爲娛
見文鑑

北渚亭賦

新增

宋晁補之

登爽鳩之故墟兮睇岱宗之獨立根磅礴而維坤
兮支扶疎而走隅跽瑯琊與鉅野兮梁清濟而北
出前炭漫而將屯兮後摧囁其相襲圯者曷者嶧
者垣者畧者礮者障魯屏齊曰惟歷山或肺腑之
箕拱環連勢厓絕而脈泄兮萬源發於其間谷射
沙出浸淫漑澆潏汨泌彭湃渟渟忽瀟起而成
川經營一國其利汾澮陽爲并沼壅爲確磴得平

而肆乃滉漾而滂沛經民廬而貫府舍兮緒爲池
之千畝惟守之居而巖背阻邈閭閻之遺址兮肇
嘉名於北渚悲經始之幾何兮牛羊牧而宇顛非
境勝之爲難兮善擇勝之爲難嘗試觀其園千章
之荻合抱之楊立而成阡躋歷下之峇嶺望南山
之孿顏修幹古枝出欄造天硃础之蔽虧乍彷彿
其雲烟思仙人之樓居尚輕舉而高翻盍駕言其
北遊登斯渚而盤桓罔戀忽其翔舞荻楊眇以如
箸撫千里於一瞬收城郭以環堵其下陂湖汗漫
葭蘆無畔菱荷蒼藻蘅荃杜茳衆物居之浩若煙

海歲秋八月草木始衰乃命罾罟觀魚其雕鳴榔
四合方舟順涯鱣鯉寔乎深塘兮鴻雁起乎中沚
復有桂舫蘭榼浮游其中榜歌流唱自西徂東纖
餌投隈微鱗挂空客顧而嬉傾盃倒鍾明月出於
缺嶺夕陽眇其深紅天耿耿而益高夜寥寥其方
中駭河漢之衝波披海岱之冷風恐此樂之難留
兮願乘槎乎星渚其韓終與偕佺兮采芝英於瑤
圃庶忘老而逸死兮路漫漫其修阻於是酒酣太
息中座語客曰自昔太公奄有此邱是征五侯桓
公用之攘楚尊周方其盛時河十二號稱東秦

臨淄遨樂中具五民秋田青邱實圃海濱而薛又
小邑也區區之賦食三千人其強孰與比哉觀華
不注竭其孤嶽虎牙桀立芙蓉菡萏尚想三周追
奔執鞬下車取飲僅以身免困責質於蕭同尚何
思乎紀獻而齊自是不競矣夸奪勢窮雖強安在
事以日遷而山不改則物之可樂固不可得而留
也認而有之來不可持所玩無固去何必悲齊侯
之所雪涕而晏子之所竊嗤也今我與客論古人
則知述寓有感而歔歔豈不重惑也哉仕如行賈
孰非逆旅託生理於四方固朝秦而暮楚曾無心

於一笑尚何知乎千古於是乎客躍然喜再拜舉觴而前曰凡主人言理實易求而我曠然已忘昔憂使客常滿使酒不空請壽主人如漢孔公主人蹶然喜受飲反觴執客之手而言曰詩固有之未見君子憂心忡忡既見君子云胡不樂再拜洗觴而酬客嘻然大笑

二秦王宮賦

有序嘉靖丙辰
新增

俞一中

知縣

丙辰之秋九月既望俞子令鉅野奉大中丞安翁劉相公檄丈邱度稅將以絜其多寡而均平之乃遴邑之義士暨耆口申畫外圻俞子承乏董其務

於是登獲麟之臺逾秦梁之橋相與停息僧舍刷
清邊疆憶昔遇金鄉王子嘉祥周子於逆旅偶談
金山清涼洞之勝越一日柬二子同會洞所至期
二子咸羈於公務未赴俞子顧巖洞深沉規制宏
闊不忍釋因嘆曰非强秦之力不能得也惜乎風
景蕭疎草木搖落二子復違約不至此口不能不
爲之悵然也因感古今興廢之迹與斯地奇絕之
勝及諸士山僧宴賞之情並見於賦兩儀莫分兮
嶧峯崑崙帝形如怒口兮像鈎元龜列元闢兮闢地
坻覓仙函兮局神達東聯臥龍之崗兮西接獲麟

之陂北鄰口國之宮兮南極秋胡之居鳳臺逝兮
凡鳥淒麟窟渺兮百獸迷達汶泗兮咫尺望岱嶽
兮崔嵬中爲繹繹亭亭之宮闕兮上有鵜鵜昂昂
之走飛山形蜿蜒兮蛟龍騰山峯峩峩兮厓儀仍
口明密口兮敞軒豁而層登涵濡衆埒兮亦崎嶇
而峻崑君王八駿兮口泥金以東封電勅神丁兮
披宇宙之奇口秦梁崇建兮驅礲礮以相攻將口
六飛兮駐驚驛之騶從口歷翠微兮迴虛岩之旁
通并彼蒼崖兮爽清涼之芳風鑿鑿以經營兮
鏤瓊蕊於崕峒前著通明之寢口兮後列翡翠之

瓊宮引元光兮一線纖復通兮三重口可聚百辟
之圭瓚兮口可橫三千之羆熊朱門鎖兮金鑰形
庭敞兮玉爍駿驥聚兮螭咳雲鬢繞兮綉幙口口
口兮來營窮民兮雕削痛剝膚兮何由資千古兮
行樂噫嘻吁君王邈兮何之山無恙兮如昨號空
山之夜猿兮唳長風之秋鶴薦蘿懸壁兮明月可
邀銀寰錯落兮翠黛飄飄洞傾木蘭兮勻如甘露
山出冽泉兮湧如春潮來逸士之勸農兮恍仙厓
之神回感英王之封識兮鐫危壁之蒼苔來騷人
之咏唱兮引高歌於翠崖嗟餘生之未遇嘆斯景

兮堙閑幸乘鳧兮來遊握六轡兮華輶邀二宰兮
弗重悵袂輒兮空投藉谷風兮爽神結溪蘅兮自
修集羣英兮對勺挾山僧兮遨遊襲笙歌兮侑觴
對山花兮勸酬窮日暮兮未釋戀雲山兮悠悠

修竹賦

見元園帖
新增

明閻太羹

維彼修竹以水也生江干擅美淇澳傳名中象道
以無差質儀天其誰更易曰簞簋爲震書稱箇簞
貢荆口陂爲龍而變化并州作馬而候迎傍溪恣
六逸之雅玩成林訂七賢之幽盟取諸嶰谷而六
律可定栽之渭川而千畝可并爰植芳園交加青

葱雖雜羣芳而共處邨薺求卉而獨雄旣歷歲月
而萃尊卽經霜雨而蔚蒙時乎青陽司令衆木向
榮芽方茁土甲初分形而菜顏翠色已鬱鬱乎青
青時乎赤帝當權樹密如雲濃陰蓋戶繁影蔽庭
而清標疎韻自蕭蕭而泠泠溽暑闌而清商至鴻
鴈來而元鳥歸斯時也風曰淒淒百卉具腓而歲
蕤嫵娟豈逐碧梧而其飛盛德水而最陰殺元冰
凝而白雪霏斯時也膚發嚴威滿日寒澄而陸離
參差能傲貞松而不違或對月搖亂如黃金之瑣
碎或臨風婆莎如白玉之玲瓏或繁微露如何晏

之試白或經細雨如太真之啼紅或挺直干天如
遺世而獨立或垂曲掃地如俯躬而委紳或初笋
新嬌如美人之露指或峭幹蒼癯如老僧之鍊身
千態萬狀莫悉更僕故非英非藥非香非馥珍跼
仙草實踰靈木夾汜水而檀欒繞園塘而櫛蠹侔
儻傲世瑤池羽仙娥媚搖影號國嬈嬛甯可食無
肉矣不可無此君焉矧伊主人蕙質蘭襟高節芳
心稜稜俗情之冶化楚楚清韻之莫禁固以樹德
善建不援似竹之本也直以立身中口而不倚似
竹之性也空以體道應用虛受似竹之心也貞以

立志砥礪名行似竹之節也於是開辟疆園襲衛
武芬芟翳薈除糞壤疏其間封其下猗猗乎娟娟
乎謝砌兮交翠蔣邕兮繽紛飛青簡兮索賦援臨
川兮爲文勉刻畫兮無鹽實唐突兮湘君

余性癖竹每於屋角墻畔見兩三竿輒欣然而
往往又不問主人文學歐紹永植竹一溪清疎
堪愛徙倚其下主人曰不得子言此君無色因
而清興勃發率筆成賦詞之工拙所不計也大
野間太羹識

野間太羹識

檜華賦

見元園帖

間太羹

歲君盛子月令逢辰柳口口故桃綵鋪新國色口
欄而爍耀天香遶砌而紛綸偕園地主折簡相招
穿九曲之荒徑口千章之弱條乃有非松非柏口
口唯喬似蓮似菊吐英獨嬌姿類楊金而微淡體
皎鄧錢而差小瑞氣綢繆香雲繚繞元縠片片翦
枝頭黃珠簇簇綴樹杪於戲仙源手植千載枯槎
太清特聳口紐孔嘉禾若茲木之敷艷一朝仙藥
之交加物洩靈奇識幻化之有自人協禎慶顯旁
通之無涯蓋緣六出粲立披蔓尋根三關全內採
實口華芸草勵精早已滋培夫聖蒂梅檀悟性晚

更布滿乎空花有含必吐無苞不芽是以虬枝龍
幹粧成蝶戶蜂衙霜條雪葉迸出露萼煙葩感天
地之致和喜人物之交應嘉華林之煥采慚授簡
而莫罄亂曰口氣凝結園林獻祥兮神功孚契草
木蕃昌兮粲雲霞以炫光兮摘綺繡以揚芳兮蒼
蒲華開氣同香兮芍藥帶園休共彰兮
丙子穀雨偕園牡丹盛開貞一內兄攜尊見招偶
山楊檜樹開黃金華大如指頂迥異常華載考大
觀間余充郡龔邱開華如蓮實又我成祖八祀生
金色花徧於都城人稱爲祥上下幾百年後先輝

映異哉瑞耶同觀者薛郭張三君子各有歌頌畫
圖余從而賦之以續貂尾東魯大野閭太羹識

附錄元園帖跋

閻彞臣先生束髮臨池口口口口領鄉薦後益肆
口臨摹點畫掠礫靡不斬肖毫忽不肖輒易去歸
於逸少斯已噫可謂專精之極矣接臣禹使君海
若深加賞鑑口口薦至尊有文章堪擬子建書法不
讓右軍之句口口哉余小子浪遊口口時口口
口之閒寓目墨妙直闢黃庭蘭亭十七等帖門戶
優孟叔敖形神並親爰勒之石以永其傳夫亦口
不負先生學書一片苦心耳崇禎丙子孟夏姑蘇
後學吳仲華謹跋
跋文震孟書

鉅野縣志卷十五
三

圖余災而頌之

如異姑微服同歸告藉稔惡三惑七

○○○○詩

四言古詩

見志

此詩本二首因第二首有漢叛散五經等語故不錄

仲長統

飛鳥遺跡蟬脫亡殼騰蛇乘鱗神龍喪角至人能
變達士拔俗乘雲無轡騁風無足垂露成幃張霄
成幄沆瀣當餐九陽代燭恒星豔珠朝霞潤玉六
合之內恣心所欲人事可遺何爲局促

正考父贊

通志

魏王粲

恂恂正父應德孔盛身爲國卿族則公姓年在耆
耄三葉聞政誰能不迨申茲約敬饁粥予口偃僂

受命名書金鼎祚及後聖

秋胡行

舊志

晉傳奕

秋胡子娶婦三日會行仕宦既享顯爵保茲德音
以祿頤親韞比黃金覩一好婦採桑路傍遂下黃
金誘以逢卿玉磨逾潔蘭動彌馨源流潔清水無
濁波奈何秋胡中道懷邪美此節婦高行巍哉哀
哉可愍自投長河

味泉

有引舊志

明邊貢

泉之水美君子也君子者誰謂宋公也宋公嘗
爲郡文學矣懷其泉九閱月而歸曰吾有味於

吾泉豈以斗粟之奉而遂忘之也風人美之
作是詩

泉之水其色幽幽之歸矣誰與晏遊泉之水其
味悠悠公之酌矣可以忘憂泉之清兮公斯濯纓
兮百斯齡兮

治河功成頌

舊志

本朝
侯士峻 邑人

崑崙東注禹力在矚胡爲河伯怒撼地軸昔也漢
祀載築宣防投璧沉馬迄用弗臧

聖人在上軫恤民力金簡重開陽侯是戢越裳重譯
清宴會傳以輸以挽億萬斯年

五言古詩

雜詩 新增

漢王粲

日暮游西園
冀爲憂思情
曲池揚素波
列樹敷丹榮
上有特棲鳥
懷春向我鳴
寒衽欲從之
路險不得征
徘徊不能去
佇立望爾形
風飈揚塵起
白日忽以冥
回身入空房
託夢通精誠
人欲天不違
何

懼不合并

見選詩補註

詠史詩

新增

王粲

自古無殉死
達人所共知
秦穆殺三良
惜哉空爾爲
結髮事明君
受恩良不訾
臨殺要之死
焉得不

相隨妻子當門泣兄弟哭路墮臨穴呼蒼天涕下
如縷縻人生各有志終不爲此移同知埋身劇心
亦有所施生爲百夫雄死爲壯士規黃鳥作哀詩
至今聲不虧

秋胡行

新增

首傳元

秋胡納令室五日宦他鄉皎皎潔婦姿冷冷守空
房嫵婉不終夕別如參與商憂來猶四海易感難
可防人言生日短愁者苦夜長百草揚春華攘腕
採柔桑素手尋繁枝落葉不盈筐羅衣翳玉體迴
目流彩章君子倦行歸車馬如龍驤情誠馳萬里

既至兩相忘行人悅令色借息此路傍諺以逢卿
喻遂下黃金裝烈烈貞女忿言辭厲秋霜長驅及
居室奉金升北堂母立呼婦來歡情樂未央秋胡
見此婦惕然懷探湯負心豈不慚永誓非所望清
濁自異源鳬鳳不並翔引身負長流果哉潔婦腸
彼夫既不淑此婦亦太剛

秋胡妻詩

見通志
新增

齊

王

融

日月共爲照松筠俱以貞佩紛甘自遠結鏡待君
明目協金蘭好方愉琴瑟情佳人忽千里幽閨積

思生

景落中軒坐悠悠萬城闕高樹并夕煙層樓滿初
月光陰非惑異山川屢難越輟泣拚鉛姿搔首亂
雲髮

傾魄屬徂火搖念待方秋涼氣承宇結明熠僚階
流三星亦虛映四屋慘多愁思君如萱草一見乃
忘憂

杼軸鬱不諧契闊彌新故朔風欄上發寒鳥林間
度客遠乏衣裘歲晏饒霜露參差興別緒依遲起
離慕

願言如可信行邁亦云返睇景不告勞瞻途寧遽

遠何以淹歸轍蠶妾事春晚送目亂前華馳心迷
舊婉

淑珮客有結振芳岐路隅黃金徒以賦百珪終不
渝明心良自皎安用久踟躕過車及榜巷流日下
西虞

披帷惕有忘出門遲所欲彼美後來儀顙顏變欣
矚蘭艾隔芳臭涇渭分清濁去去天天子請殉川
之曲

臥陶軒

爲晁無咎作
舊志

宋黃庭堅

崎公白頭臥宇宙一北窻但聞窻風雨平陸漫成

江卯金扛九鼎把菊醉胡床城南晁正字國器
等^惟日麗宸極大明朝萬邦假版未通班曉巖
夢逢逢萬卷曲肱裡胸中湛秋霜口亦有好人叩
門提酒缸欲眠不遣客真處更難忘

見山谷集

書晁說之考牧圖後

新增

宋

蘇軾

我昔在田間但知羊與牛川平牛背穩如駕百斛
舟舟行無人岸自移我臥讀書牛不知前有百尾
羊聽我鞭聲如鼓鼙我鞭不妄發視其後者而鞭
之澤中草木長草長病牛羊尋山跨坑谷騰越筋
骨強烟簑雨笠長林下老去而今空見畫世間馬

耳射東風悔不長作多牛翁

秋胡詩

見文選
新增

宋
顏延之

倚梧傾高鳳寒谷待鳴律
影響豈不壞自違每相
匹婉彼幽閑女作嬪君子室
峻節貫秋霜明艷侔
朝日嘉運旣我從欣願自此畢

燕居未及好良人願有違
脫巾千里外結綬登王
畿戒徒在昧旦左右來相依
驅車出郊郭行路正
逶迤存爲久離別沒爲長不歸

嗟余怨行役三陟窮晨暮
羣駕越風寒解鞍犯霜
露原隰多悲涼迴飈卷高樹
離獸起荒蹊驚鳥

橫去悲哉遊宦子勞此山川路

迢遙行人遠宛轉年運徂良時爲此別日月方尚
除孰知寒暑積僂僂見榮枯歲暮臨空房涼風起
坐隅寢興日已寒白露生庭蕪

勤役從歸顙反路遵山河昔辭秋未素今也歲載
華蠶月觀時暇桑野多經過佳人從所務窮窵援
高柯傾城誰不顧弭節停中阿

年往誠思勞路遠闊音形雖云五載別相與昧平
生捨車遵往路曩藻馳目成南金豈不重聊自意
所輕義心多苦調密此金石聲

高節難久淹竭來空復辭遙遲前途盡依依造門
基上堂拜嘉慶人室問何之曰暮行采歸物色桑
榆時美人望昏至慚嘆前相持

有懷誰能已聊用申苦難離居殊年載一別阻河
關春來無時豫秋至恒早寒明發動愁心閨中起
長嘆慘悽歲方晏日落遊子賴

高張生絕絃聲急由調起卽昔枉光塵結言固終
始如何久爲別百行愆諸已君子失明時誰與偕
沒齒愧彼行露詩甘之長川汜

宿岱祠卽事

見通志

米晁補之

澤南三百里極望橫天雲雲端色凝黛諦視初可
分崢嶸介邱像頤洞元氣屯頃刻有變化慘澹殊
明昏天行帝出震其位生物元不周僨西北川乃
東南奔寧知六鼇死竟使二山淪不有是難傾孰
維大塊根嘗聞周官說實維天帝孫神靈所鎮守
民物斯茫存幽明昭一理有道惟常尊不覺下馬
拜僮奴亦蹲循廼知正直理足使冥頑敦三王有
損益商人所尊神明法或不懼夜行安得逸以此
轉世教庶幾驅驚民莫宿太平驛不眠如絲夢明
朝好天色萬象開胚渾勢橫恒碣盡支壓齊魯蹲

五口月日觀一握通帝閣恢拓下嶠曜青蒼上氤
氲泉石競沮洳煙嵐互紛綸高舉蹋風海深蹢躅
火輪波濤捲堆阜一一溟渤吞棋枰視井邑匕箸
藏松椿碧瓦峙雙闕紅墻繚長圍願瞻巖闕客內
綵邪垢魂賜臣登絕頂一覽神秀原萬壑射窈窕
三壇矗嶙峋莽不覩項領何能窮胜根稍稍指鳧
繹依依數云亭松列大夫爵羸識將軍墳瑣屑澗
花麗霏微崖葍薰廣大良有以奇險安足論瑰詭
有形上頽然德彌惇得無希夷子傲世逃深榛亦
有黃冠士相對如麋麋此曹啗草木語道恐未聞

解榻坐中觀洗心馳大釣形氣要得一不然隨物
泯是事亦姑置幽尋聊可勤初疑無字碑瑩潔誰
敢交又怪玉女井高絕何由齋俯穿闕仙巖鳥下
天壁垠側度五賢堂熊經背逡巡劒石危素履女
羅柔屢捫揮斥八極遠風來袂軒軒廖廓自無梯
猶疑天可賓陰谷不可視恐落魑魅羣安得遂獨
往身如黃鵠翻周流遍五嶽採掇芝英繁卽欲憩
圓嶠或當止崑崙衆真迎我語一笑頻玉溫是中
差可樂子胡戀塵樊答此太遺物身間猶事君重
華迹已遠秦漢事方煩成功屬吾宋五禮垂後昆

皇帝二載春臣備太史員紬繹白帝興頗識康哉
言泥金白玉字願頌無前勲有志類韓愈無書愧
文園臣髮將雪素臣心猶日暎今此在林藪跳身
同獼猿徒觀衆山小愁絕下天門

過濟州

舊志

元文天祥

今鉅野也元世祖至正六年置濟州爲附郭
此詩作於元至正十七年九月十三日

借問新濟州徐鄆兄弟國昔爲大河南今爲大河
北垂雲陰萬里平原望不極百草盡枯死黃花自
秋色時時見桑柘青青雜阡陌路上無行人烟火
渺蕭瑟車轍分縱橫過者臨歧泣積潦流交衢霜

蹄破荆棘江南寒未深銅爐獸化赤焉知行路人

鐵冷衣裳濕

見本集

夏雨次晁無斃韻

府志新增

陳師道

咫尺隔山海作書問何如蟻垤旣畜糧蛙窟如鳴
鼃積暑復一雨斧斫仍手磨鈎窓欲懸麻出門已
橫河人言月離畢未必致滂沱東臯繁草木蘭艾
不同科驚魚畏密密獨鳥鳴南柯稍無蟲飛喧復
覺蟬語多因聲作好惡與物殊未和臥聞夜來雨
歸種故山禾百年須下澤萬里付長羅先生斷百
好獨以詩作口縮予萬言手聽渠七子哦室邇人

則遠燕默勞者歌思君得老瘦觸熱生積疴

獲麟渡

舊志

明王穉登

鳳鳥鳴盛代騶虞應至人天馬躍羲黃河龍浮禹
津靈物協昌期羣臻良有因哀周解其網大道日
荆榛魯無王者作安得生麒麟按圖麟一角牛尾
及麋身識記表哲后得之以爲珍其生或非時豈
免凡蟲倫皇皇宣尼氏掄泣示門人千載過其墟
舊跡濁河濱躊躇問巷中予以訪遺民非敢悲道
窮意以良苦辛

見本集

鉅野書扇示需兒

舊志

靳學顏

簡書一何赫驅車作旅人杏花亂愁思芳草隨征
輪白雲日以遠叩心向春旻豈不荷靈寵孤懷鬱
未伸兒當留故國予也西遊秦所願慎護持千里
慰情親

見雨城文集

書肅菴姚君家傳後

新增

國朝

于敏中

姚生毓東魯文藝夙擅場首充成均選挾策來
帝鄉我時事分校公慎志自將搜羅累百卷得此
喜且狂誇耀示廣座獎賞遍一堂逆知績學士榜
發慰所望闕日急來謁往事爲追詳十試困棘闈
辛苦味備嘗因茲念疇昔歛歛泣數行更言乃尊

人世業傳青箱家庭著孝友鄉黨稱端方畢生老
韋布壯志竟未償感慨爲我言冀以宣幽光向因
羈館職筆墨殊不遑今爾下第歸東行已載裝此
意寧可拒援筆爲鋪張我聞天人理作善後必昌
肅菴旣已逝吾子庶克當讀書務經濟功成佐廟
廊仰承先人志勉旃永勿忘

遊秦皇避暑洞

舊志

張爾綸

秦有咸陽宮避暑豈來此或云東遊過所說乃相
似祖龍竭民力每每逞奢侈但求三川開不顧五
丁死况茲數里山穿鑿易稱旨石洞搜雲根壁立

兩門峙遙想當年人內外盡金紫瞬息千餘秋
遊祇鹿豕佛殿有更無行人指基址吁嗟後世人
萬勿學秦始美景悅人心尚受無窮訾

遊金山

金山遠城郭冬日儘來往凌晨發山車向午息塵
鞅纔指蒼蒼間忽已在其上盤迴心花開耳目頓
昭朗古樹聚真色寒泉滴清響石燈梯雲空升降
互俯仰所觀殊未足與人示浥快勉食香積厨攬
轡別幽賞歸聞鸞鈴聲猶作松濤想

克西行

癸未年作
舊志

倪峽

主人開華燕四座目勿諠絲竹停繁音聽我歌一
言賤子魯西來接邑皆荒村結伴乃敢行蕭條過
里門道旁榆盡皮原上草空根糠粃爲盛饌下馬
須強吞居人間問答語咽涕潄潄壯者半流離弱
者負冤魂餓殍甫委路須臾肉不存隻雞及肩彘
價值過千文乃有俊嬰孩不如雞與豚天運奚如
此民命當何援亦有宣 命臣獨使憂

至尊王者無罪歲良吏若冬暄請捐筵上資再撤盤
中殮足令饑寒人百口飽且溫諸君聞予言顏慘
意亦翻爲歡未終席各求仁政源

雪後章大維明府邀同諸君讌集講堂紀事分

賦舊志

季冬天氣寒歲月忽云暮雨雪兆豐年皚皚疑道
路主人仁且賢四境歌襦袴宮墻修葺新朱碧連
雲霧務舊賜

御書榮穹碑廟旁樹瞻仰士民心構亭亦孔固爲堂復
數楹意在延千祚廼命整敝脩几席於斯布客有
鄒枚徒文采美無度亦有箕楨流忝在從遊素冠
者與童子適意羣相聚樂以衆爲歡興因高成趣
酒行不可停壺觴頻傾注薄暝始言歸次第旋矩

步歸來各有言此日真良晤勝會詎能常轉盼更
新故懼無令名壅百歲同朝露蘭亭曾作序梁苑
應爲賦西園雅集人千載生餘慕

題贈孝節李母

舊志

章宏

麟臺攀桂客膝下文稱賢德習坤儀熟書窺內則
全同里有元禮仲子致翩翩名門諧鳳卜琴瑟聽
和絃奚爲好學甚翻成病不痊十四方于歸十七
殞所天輒欲從地下惟恐慟堂前遺孕偏生女投
繯幾度懸猶子堪爲嗣柏舟志愈堅訓迪母兼師
遊泮足承先上愜姑嫜願下能慰九泉屈指冰霜

操於今四十年貞徽提奏獎胡不少遷延遽爾歸
真素聞之心愴然遺風不可泯特爲紀青編

題衛縣父申明鄉約

舊志

薛翼聖

邑人

木鐸久無聲長夜幾不旦長者下麟川風澆頻嗟
嘆月吉竟適人不以孟春斷大典未終湮舊章今
再煥六語起頑冥三復折撓悍誰謂蚩蚩愚如耕
已有畔化行指顧間禮讓連鄉鄩

證儒

舊志

侯翰宸

邑人

大道何授受所貴在真儒學術稍不真因之虛場
莽所以賢聖書去虛存其實莊周老列氏仲尼不

肯筆儀衍韓申子子輿亦相逸雜學遍天下百不
得其一

臥陶軒懷古

府志
新增

國朝

劉藻

陶令澹蕩人高臥北窗下手揮無絃琴誰爲知音
蒼鬼子家濟州神襟獨淵雅吐音非凡唱驕騫凌
天馬城南有別業廣澤浮大野荆扉晝常閉一軒
特蕭灑竹梧列嘉蔭圖書煥燹畢臥陶偶自署羲
皇心輪寫此人不可作此事繼者寡我來問遺跡
頽垣碎古瓦三復涪翁詩抗懷寄蓮社

與從弟麟數論兵

似論耿逆事
所曾

姚之典

運籌幃幄內千里決敵情機密不可測大勢掌中
呈我惟不惜死然自無能生薄險須憑高扼吭在
力爭謹慎莫嘗試一戰告功成

從姪曾孫婦田氏貞節詞

新增

姚應達

青青柏與松皎皎霜與霰持以象清操閨門徵奇
變早歲失所天性命輕白練宛轉爲撫孤宗祧延
一線白首作完人彤史留其傳哀草南陌頭黃泉
誓相見漠漠畫堂空語寂空梁燕

贈節孝朱母孔太夫人

新增

李

敦

邑舉人

清漪帶曲渚赤霞簇遙岸巾幘有烈風山河自爭

煥紫陽遠孫子高標佐內翰深閨咏絮才同賈明
星爛一朝夫子沒早徹梁氏案芳年豈足惜家紀
賴襄贊夜月明流黃朝嗽晃晨爨但知婦功修不
覺屋物換養劉李密表男婚管輅歎辛苦告厥成
始見光華燦乃知真氣節天使脫患難萬古此爰
常修綆不容斷

五烈詩

內有七言不能分
列因類載之

新增

王朝恩

知縣

嚴寒迫高節隕此柏與松春風劇歡和植彼蒿與
蓬世事有代謝豐喬疑蒼穹隴西兩賢婦夫死嗟
煢煢艱虞妯娌間廿載冰霜同冰霜非所辭緯卹

難爲工一朝計決絕相泣來悲鳳朱絲雙繫足
髻雙垂宵朗月照屋梁連袂歸幽宮陽奇陰獨偶
心苦道自庸天意豈無知正資玉汝功疾風完勁
草間氣輝長虹惟慚薄劣才無補斯民窮作詩當
自訟幽冥庶母恫

右李廼

僅妻侶氏
侄妻趙氏

妾心皎明月不願隨圓缺妾身似堇荼不逐風霜
枯良人久出意忘返紡績空村度歲晚誰何燈火
徹夜來惡獠強托鶉爲媒入我之室奪我幃我生
寧死不從汝兩手闔門血濡縷侵晨申牒當官去

當官申牒向官哭明日官來听尸肉素縑三尺人如玉

石王瑞祥妻康氏

我有大秦珠繫在香羅襦我有蘭芝佩付以香羅
帶珠襦何輝煌佩帶毋相忘誰家遊蕩子闕我東
鄰廣闊唐土無行開觀女貞吉朱顏一變凜若霜
恍惚風雷動頃刻蛾眉宛轉頭血賤上報夫子先
黃泉

石王希韓妻孫氏

彼姝者子年十五生長蓬門夙貧窶懿筐陌上偶

微行意外乃遇狂且狂一人先趨二人後叩叩距
虛負而走誰知是女凜冰霜能以大義伸閨房苦
貞不入強暴手到死申申不絕口草間埋玉何處
尋土花蝕血光沉沉含冤三月竟昭雪素絲不緇
圭不涅

右郝錫忠女郝氏

上五烈事蹟俱分詳列女志

代號草

此盧次作也因悲哀不止聊爲舒痛

新增

劉元修 舉人

於戲同毛裏兒小絕晚出兒齒纔逾壯回首已無
一庚子父病捐兒齡未及七倦眠棲母懷饑啼索
棗栗柴骨癡可憐累經那知恤淒淒霜田瓜蔓枯

小未實白髮百年心豈會計今日殘夜空庭雨寒
苦我與姪反憐小失怙朝朝猶母膝

啞啞堂東樹烏老反哺饑綴綴墻角榴子房猶抱
枝丁蘭刻木母重泉那得知何如楚萊子白首效
兒戲莫啟舊寢門寧教蛛網絲槃箸縱羅列可能
似舊時槃想手澤存箸泣口澤麗苦是臨訣語果
然棄孤兒

無端泣短鬢蕭蕭老與鄰悲歌誰預測日暮難再
晨少小依驕穉膝下忽四旬病榻猶執手好當重
爾身嗟彼炎夏草春去尚待春鮮民何如死陰死

或見親癡情托午夢夢中那便真始悟臨屬續新
方癡說秦

夜讀賢母傳反袂問茶穹斷機畫荻字茶苦誰異
同越國封千戶瀧岡報亦充述之猶斷腸養薄祭
徒豐孟氏倦齊梁授室何萬鍾五鼎沒爾耳哀哀
母尸養想當持楹時終古號悲風此猶齊聖子尚
云造化公誰憐自鐫石長跪墓門中

病骨秋夜冷野蟲四壁唧疎燈鰥魚目慘慘坐一
室忽慢入常年高堂曝旭日欲言眉微顰氣結不
能出時兒手有業投之跼向膝驚寤乃一夢驚然

雙手失淒切雞犬聞漏盡不辨刻弱兒斡於牀斜
月當其側心憐夢不遠哀風惻瑟瑟

負米甘百里南遊事竟非欲養親不逮千古所歔
歔昨年燕京雲今日依舊飛誰能料風木當時恐
斷機回想臨門語夢魂痛猶憶春日榮榮蘭秋寒
白露臨游子臨圯上各著親縫衣如何漢姜維遠
志易當歸

野雲漫天黑荒郊鬼燐明涼風急夜柝始覺近孤
城辭家當炎夏歸塗露氣清門掩樹影昏犬乖吠
不迎高堂病已息夢中辨兒聲執手翻疑幻泣盡

屢定晴不堪昨年淚回首已隔生

靈風捲春入病骨森似臘里兒喧爆竹驚泣鬢已
颯舊時奴婢盡房扉白晝闔今夜如何其素帳明
殘蠟姪兒勸寢息少長集我榻愛我感爾曹領之
轉鳴咽記得去年夜病中尚問答

弟兄竟長別十年似流水夜來夢魂中牽裾悲復
喜夢謂客他方豈記爾已死當時病璚珊睜眼雙
淚瀾夜半把我泣白髮兩孤子兩孤能典謁白髮
今不起將母高堂靈九泉尚見爾我病苦支骨殘
命隔一紙誰耐獨視息雙殯慘在邇搔首瞶瞶天

俱云尺有咫枯木絕根幹相活復餘幾將淚寄冥
冥知否弟老矣

按唐宋諸名集中絕少盧次謳吟之作以哀毀餘
生不忍言詩也是作本不欲入選閭之覺其中尚
有一腔血性惻惻動人
不忍擯棄故姑存之

秋胡行

新增

舉人姚體備

湛湛修川汜環舍清且泚君子初出門妾已誓此
水此水澄不流君行何日修寤憶舊時德一日如
三秋妾身已爲婦妾夫尚有母婦在母有兒不但
奉箕帚蠶月紅女忙灼灼行采桑上製邁姑服下
備征夫裳貴客何處來覲面若無覩男子知金多

女子執義苦歸來爲姑炊紅淚彈如絲深痛良人
遠聞此非義辭堂上呼進見征夫愕色變妾自今
目心君認向時面有斧斯伐柯有媒結絲蘿君子
昧大閑洗耳清冷波

〔五言律詩〕

憶弟二首

舊志

唐杜一甫

喪亂聞吾弟饑寒傍濟州人稀書不到兵在見何
由憶昨狂催走無時病去憂卽今千種恨惟共水
東流

其二

且喜河南定不問鄴城圍百戰今誰在三年望淚
歸故園花自發春日鳥還飛斷絕人煙久東西消
息稀

見杜全集

官城武主簿作

舊志只未一首

宋王禹偁

釋褐來城武始知爲政難每簽逃戶狀羞作字人
官亡砌莓苔徧荒城草木寒宦情銷已矣時夢釣
魚灘

釋褐來城武徒勞自感傷位卑松在澗俸薄菜經
霜逕擁寒莎綠門橫古木蒼冠纓座已滿未敢賦

滄浪

正統龍集戊辰夏六月望日子因督運疏鑿泉河
抵重修金山禪院觀唐宋碑碣事蹟成短律一首

總督漕運
右參將 湯 節

千古金山境樓臺瞰碧空洞聞唐室造寺建大明
隆西睇麟臺近東瞻岱嶽崇我來疏導後漕運擬
成功

新增

贈姚明德秀才

新增

知縣 趙延慶

恰值終軍歲雄圖學請纓文方能備武民亦可爲

兵雷奪軍聲振雲連陣勢橫立功存一戰衆志自

戍城

獲麟渡

舊志

明孫宜

渡古寒煙積沙明落照縣春秋悲鳳曰天地泣麟
年魯變時交阻周衰轍竟旋至今皆絕筆直意更
誰傳

丁未春鉅野田雲岳過東明投予以詩今予途

經鉅野亦賦詩奉答

見元對樓集舊志

穆光允

玉案曾投我高吟三載餘徒瞻雙雁羽未辦一函

書南望吳門馬東尋海岱魚經行聊寄語莫謂野
情疎

余十年前自泰岱回晤田斗岳于獨山曾有遊
近之作今復過此感而再賦

舊志

昔年冰雪裡邂逅有班荆此日垂楊陌支離嘆聚
萍青山還未老白髮已先生日暮經過處懷人無
限情

登金山洞

舊志

屈竟顯

覽勝金山洞十年此一遊寒泉清漱玉樹古翠懸
虬日透午時影涼生六月秋生平愛幽賞欲去去

還留

瑞麥

舊志

葛應斗

麟城雙秀麥協氣暗通靈化日寬銚耨薰風遍野

町連莖同碧翠分穎間黃青莫作漁陽頌嘉禾更

爾馨

再過秦王避暑宮

舊志

姚文黃

重游避暑洞逸興轉飛揚不雨池塘潤無風殿閣
涼高歌傾魯酒薄醉據胡床日暮猶難去誰憐老

更狂

青六息園稿就正田宗甫處詩以索之

舊志

張鵬翼

詞林看振羽一代美宗工駿馬何須壯寶鷄更得
雄予慚巴里雪君運鄆人風刀尺今應下還須付
錦笥

春日偕陶唐翰等集飲金山洞

崇禎丙子花朝
新增

謝崇本

古洞何年鑿不知度幾秋虛傳逃白兔果信隱金
牛夜日垂宮壁雲霞鎖殿頭徘徊興未已明月更

相留

瑞麥

舊志

薛有則

四月逢荷夏三農望麥秋芒含烟雨秀穎儷火雲
抽燕紫形分尾鵝黃色並頭漁陽千載後樂政自
麟邱

嘉禾

有相生黃茂秋成瑞二東交莖占地利合穎兆年
豐蠲政傾三異嘉祥擅一同太平何處見繪在畫
圖中

瑞麥嘉禾

舊志

姜朝盈

吾邑來仙吏虔刀初試時禾生莖六穗麥秀漸雙
歧百里棠陰共千秋花縣宜聖朝看秦最真瑞令

名垂

姚子非百下第南歸述其祖德詩以贈之新增

國朝 于敏中

官閥當時重清風奕世振彥方仁作里陳實德爲
隣公是徵輿論高蹤見古人承家有令子千載事
常新

贈節孝朱母孔太夫人新增 李 敦舉人

劍鉞山自險羅帶水常清辛苦堂前職劬勞膝下
情天心終不昧家事久能成固使桑榆晚光隨日
月爭

一白泉臺隔淒風獨種麻衣粧托塵土園鳥識春
華節颺江干雪心衝嶺上霞書生談大義嘆惜紫
陽家

先賢殉節後文範更幽馨世事悲桑海家風耀日
星歐陽今茂異韓氏舊零丁從此倫常地千年老
汗清

賀邑侯章公擬陶邱策

范永懋

聖賢無暇逸新語諒非虛汶上方迴駕陶邱復命
車民情爭望歲

帝眷有徵書老矣逢

茲盛千端喜未如

姚君三多出粟平糶詩以美之

死

章宏

輕財原好義濟衆便爲仁卽此家藏厚遙知俗尚

淳豪情推古道善士重鄉人膏雨飄鱗野沾濡處

處春

夜泊長溝宿淺

舊志

知縣

邱克承

河流疾若駛萬騎到孤城風急烏檣亂雲迷雉堞

平荒堤容樹老濁浪任魚主獨念津亭吏勞勞此

送迎

麟渡古流

新增

邑舉人

姚體儼

西樓

絕筆東山後斯文日月光停車憶袁虎掩袂讀公
羊命也悲吾道來哉爲素王春秋經幾換古渡水
湯湯

鳳臺孤峙

德輝曾降此此鳥竟何祥百尺梧桐古千叢枳棘
荒高臺臨大野遠岫上朝陽東望麒麟塚年年瑞
草香

昌城煙雨

風景黯沈沈鴟聲檜柏林荒城宵柝急廢塹曉煙
深帝子悲炎鼎行人說卯金周公畫圖在誰諒老

臣心

秦洞雲霞

輜輶車去後石河此常局仙鼠飛秋影鮑魚空古
腥壁餘秦篆大土似楚灰青明月依然在雲霞照
宵冥

梵塢朝暉

南郭青蒼氣魂魂此鬱盤孤撐清漢迥高壁碧城
寒曉色明樓堞經聲出石壇東來紅旭近絕頂一
憑欄

蓮池夜月

采蓮歌未罷到此興殊賒五夜開仙境三霄淨月
華寒來雲外朶幻出鏡中花誰復池塘夢松喬共
一家

金山春曉

迢遞最高峯花看一縣穠寒巖餘古色傑閣逗仙
蹤掃石等秦洞穿金憶魯恭尤憐春日曉松檜共
葱蘢

漁澤秋澄

英雄餘剩迹淺水畧成河接到秋風早飛來野雉

多縐紋孤月印畫鷁幾船過當日垂綸者

情懷又若何

麟草鬱葱

八景之首後改爲麟渡古流稼軒此作蓋在未經改正時也故仍之

拔貢

田

貢

稼軒

終始春秋筆經名舊紀麟荒臺曾建魯野草未燒
秦鬱鬱山川秀葱葱景物新韋編堪續否書帶已
成茵

鳳臺孤峙

此地曾棲鳳因爲鳳建臺祇留臺獨峙應待鳳重
來瑞應雙鳴協輝流五色該超然高處立落日尚
徘徊

昌城煙雨

不辨昌城路蒼茫雨共煙萬人家在否百雉堞依然乍覺紅牆隔還如白練懸迷離宮闕影勝跡想當年

秦洞雲霞

避暑秦王洞求仙路不賒祇看青嶂月何異赤城霞古壁苔成字幽巖石綴花桃源無待訪此地可爲家

梵埵朝暉

何代古浮圖曾藏舍利無朝霞輝寶蓋曉日映方壺矗立千層峻凌空一影孤黃金奚待鑄罽畫藉

鳴鳥

蓮池夜月

縷縷清香送池開萬柄蓮魚沉波不起雲淨月初
懸觴詠思佳境風花契雅緣祇今三五夜春草夢
無邊

金山春曉

爲愛春光曉晴雲不鎖山香飄仙閣迴人語古亭

間

上有觀稼亭

谷口驂騑聚峯腰士女攀重三時雨降

金碧耀塵寰

每歲春會必得甘霖俗呼洗山雨

魚澤秋澄

茫茫漁澤畔一釣幾經秋魚水君臣遇風雲楚漢
求遺蹤餘片石軼事付閒鷗此日澄清處搬罾古
渡頭

麟渡古流

新增

廩生

馮錫介

貞石

獲麟昭魯史故事說千秋樹與孤城老泉隨皓月
流荒林歸牧子野渡唱漁舟反袂春原上唐虞感
舊遊

鳳臺孤峙

昔年曾落鳳此日尚餘臺野水田翁渡春雲海雁

來三山吟白也千仞氣皇哉幾樹梧桐盡荒涼剩

碧苔

昌城煙雨

數里飛煙雨千秋識漢城堞隍空草木原穴走顛
隄鬱積陰霾久差我殿閣呈感之思洒墨幾處夜
鴉聲

秦洞雲霞

昔日秦王洞於今人畫圖岩崖微有字石戶尚遺
模谷暗清風在泉寒暑氣驅東巡胡不到宮殿竟
荒蕪

梵壇朝暉

突起無雙峙朝暉映交牆洞開門四面宛在水中
央薛挂雲衣秀苔翻石髮長落屏夫子廟終古鬱
蒼蒼

蓮池夜月

水月荒寒甚微茫見藕花五更清露滴萬柄野風
斜艷迹餘秋葦流光照岸沙采菱人不見枯柳繫
漁槎

金山春曉

一笏金峯秀青濛宿霧收寺藏春樹曲磴折曉雲
幽巖草深肥兔山邨草叱牛桃園初日上紅翠滿

巒岷

魚澤秋澄

流水清如此英風去不歸
投竿從赤帝俄詔逐青
衣澤畔老漁佳岸頭高
鳥飛淮陰垂釣處千古
兩苔磯

五言排律

金山洞

舊志

明

呂封齊

號寂塵踪少探奇勝概偏雲開
山上地雨滴洞中天
逕窄藤蘿沒崖高日月懸
誰云秦政鑿祗是魯
恭穿玉兔今亡矣金牛更渺然
惟餘青翠色一帶

起平田

五言絕句

題書燈

連下共四首

舊志

明

姚安

不待陽春到更深
爛漫開丹心惟一
點常照讀書

臺

咏嘉禾

閻太羹

方欣夏麥瑞又驚
秋粒多太平君自
兆洗耳聽農

歌

遊金山避暑洞

畢玉

繡壁紫苔新
桃花幾度春
秦人避暑處
倘有避秦

人

登金山清凉洞

畢珣

何處望咸陽金山古道傍
楚人焦土後猶自號清

凉

遊秦皇洞

連下共六首
皆新增

天台

余安

鬼斧何年鑿神哉此洞門
頓令千里客一過一驚

魂

原韻

婁奎

祖龍饒智力政事出多門
劈石山爲室驚翻萬古

魂

其二

一從秦鹿失遺洞屬空門老我游觀後難禁夜夢

魂

其三

避暑須臾事胡爲鑿洞門當年遺迹在見者尚驚

魂

卞敦本立亭

西帝無焦土東巡有洞天桃園新雨霽誰道避秦

年

邑庠生

魏雲從濟魯

大起阿房手乘涼意不堪驕王一坏土何地覓金

蠶

舊志爲秦皇東遊避暑處荷澤劉制府藻斷爲昌邑王賀素驕汰在國時所治隧道

贈別章大維明府六首

舊志

本朝

何紳

聖主殷東顧謬爲宣

命臣同心逢茂宰寒谷易生春

其二

宜民多善政茹蘖已三年贏得叟童語爲官不愛

錢

其三

經年賢地主客裏竟忘家翻恐驪車唱迢迢天各

涯

其四

晨夕頻相見休言大往來分形而共志膠漆本難開

其五

聚首何知樂將離恨便多期爲松與柏常茂歲寒柯

其六

久要先有訂後會識何如珍重臨岐語好爲頻寄書

雪後登講堂同大維章明府及諸同人小集分

賦四首

詩首俱用書朱子原句

御舊志

張爾綸

朝吟東渚風風散雪騰空百里河陽縣繽紛花雨中

其二

夕弄西嶼月幽光借殘雪還念不勝寒玉宇雙金

闕

其三

人境諒非遙新亭已絕羈行廚暫時樂垂髻復垂

髻

其四

湖山自幽絕後會追前哲寄語萬年人此地曾看雪

昌城烟雨新增 八首錄四

劉梅峯

破屋間顏垣道經古昌邑不見辭金人烟雨空漸瀝

秦洞雲霞

祖龍廣侈心鑿山作石洞竭盡民脂膏靡得沙邱痛

彭玉鈞澤

漢高忌功臣烹醢良可悼何如早歸來烟波狎漁釣

落鳳遺臺

落鳳鳳已翔臺仍名落鳳可當鳳再來
雖惜發時弄

蓮池夜月

七律

庠生

李

桐


疑是萍池宴列仙夜深滿地撒金蓮
卽空是色花鋪錦相與無心月在天
十里香風波瑟瑟千層瑞露影娟娟
箇中靜意非凡境未許尋芳買畫船



論誠明與理
遠景致此莫
顧靈山亦民
義

落鳳鳳曰
落鳳臺

落鳳臺



三

七

八

九

十